

# **Inusitata eademque optima honestioris juventutis methodus, tum in reliquis studiis scholasticis tum praecipue in lingua latina**

1752



# Tillykke med din eBog

Du har modtaget en eBog via **Det Kongelige Biblioteks EOD-service**.

Vi håber, du vil finde den både nytig og let at anvende. eBogen er leveret til dig som en søgbar PDF-fil, og det giver dig nogle særlige anvendelses-muligheder.

## Hvordan du bruger eBogen

### Læse på din skærm

Du kan åbne og læse eBogen via din almindelige PDF-reader, der ligeledes giver dig mulighed for at bladre mellem siderne og zoome i teksten.

### Udskrive på din printer

Du kan skrive hele – eller enkelte sider af - eBogen ud på din egen printer.

### Gemme på din computer

Du kan let gemme eBogen på din private computer, USB-nøgle eller diskette.

### Søge tekst

Du kan søge efter ord, dele af ord eller hele sætninger, i eBogen ved at bruge PDF-Reader'ens inbyggede søgefunktion. Denne finder du ved at klikke på ikonet "Search"  , eller trykke på tastaturknapperne [Ctrl+f].

### Kopiere og genbruge tekst

Du kan kopiere tekst fra eBogen ved at klikke på ikonet "Select toolbar"  , indramme den tekst, du ønsker kopieret og trykke på tastaturknapperne [Ctrl+c]. Du indsætter teksten, hvor du ønsker det, ved at klikke [Ctrl+v].

### Kopiere og genbruge billeder

Du kan kopiere billeder fra eBogen ved at klikke på ikonet "Snapshot Tool"  og indramme billede, du ønsker kopieret. Du indsætter billedet, hvor du ønsker det, ved at klikke [Ctrl+v].

## Betingelser for brug

Bruger du eBøger fra Det Kongelige Biblioteks EOD-service accepterer du samtidig de betingelser, der knytter sig til brugen af disse pdf-filer. Den vigtigste af disse betingelser er, at du kun må anvende eBøgerne til personlig ikke-kommerciel brug.

Læs alle betingelserne på <http://books2ebooks.eu/odm/html/kb/da/agb.html>



15. - 17.

PRO SUMMIS IN PHILOSOPHIA  
HONORIBUS RITE CONSEQUENDIS

INUSITATAM EANDEM  
QVE OPTIMAM HONESTIORIS  
JUVENTUTIS ERUDIENDÆ  
METHODUM,

TUM IN RELIQVIS STUDIIS SCHOLASTICIS,  
TUM PRÆCIPUE

IN LINGVA LATINA;

SUB DIVINIS AUSPICIIS,  
EX DECRETO ET CONSENSU AMPLISSIMI  
PHILOSOPHORUM ORDINIS,

P R Ä S I D E  
*VIRO AMPLISSIMO,*

JO. CHRISTOPH. HENNINGS,  
P. P. O.

ANNO MDCCCLII. DIE VII. JUNII

H. L. Q. C.

PUBLICE DIJUDICANDAM DABIT

JOANNES BERNARDUS BASEDOW.

---

K I L I Æ,  
LITTERIS GODOFREDI BARTSCHII, ACAD. TYPOGR.

*flapta 17*

ILLVSTRISSIMO  
ATQVE  
EXCELLENTISSIMO DOMINO,  
DOMINO  
**JOANNI A PECHLIN,**  
NOBILI A LOEWENBACH,  
S.R. I. BANDERESIO ET LIBERO  
BARONI,

CÆSAREÆ CELSITUDINIS,  
MAGNI RVSSORVM DVCIS, AC DVCIS  
HOLSATIÆ ET SLESVICI CET. CET.  
A CONSILIIS INTIMIS,  
ORDINVM AVRATORVM S. ALEXAN-  
DRI NEWFSKY ET ANNÆ EQVITI,

MÆCENATI AC DOMINO  
MEO DEVOTE COLENDO.

ILLUSTRISSIME  
ET EXCELLENTISSIME DOMINE.

EXCELLENTISSIMO DOMINO  
DOMINI  
JOANNI PECCHIONI  
CORPORALIS  
CENSITATE  
BRIU



Quantum in singulari TUA erudi-  
tione, inque TUO, quo literas  
benignissime prosequi soles, in-  
comparabili favore, omni literarum generi tum  
incitamenti, tum spei & securitatis positum sit,  
licet ipse TU præ modestia diffitearis; effectus  
tamen,

tamen, qui optimum cauffarum sunt indicium,  
clarissime ostendunt. Quos venerabundus in-  
tuens, eo progressus audaciæ sum, harum ut  
devota pagellarum oblatione submisse TE ve-  
niam rogem, aliquando paullo majora, quæ a-  
liquanto minori cum temeritate nomini TUO  
Illustrissimo inscribere possim, moliendi. Cu-  
jus coëpti aliquam certe excusationem anxie  
quaerens, aliam invenire non potui, nisi quod  
doceat experientia, maximos quoisque & illu-  
strissimos viros, quo vera animi & ingenii ma-  
gnitudine altissimas, in quibus positi sunt, di-  
gnitates, & summum generis splendorem ma-  
gis superant, eo indulgentius eorum, qui ope-  
ram suam in literarum augmentum conferre

pro virili student, quantuloscunque conatus  
respicere solere. Quare audaciam meam non  
tam fortuna, quod ajunt, adjutum iri spero,  
quam TUÆ confisus incomparabili benigni-  
tati, TE supplex oro & obtestor, ne hac in  
persuasione fuisse audacem, me unquam poe-  
niteat. Quam eximiam & animi TUI magni-  
tudini parem indulgentiam ac gratiam meo in  
animo TIBI devotissimo tam alte reponam, ut  
**summopere TIBI, EXCELLENTISSI-**  
**ME,** debere me & ipse agnoscam, & quan-  
tum in me est, palam faciam, ac denique TE,  
patriae spem, literarum tutamen, principum  
delicias, afflictorum solatium, TUAMque  
Illustrissimam gentem ardentissimis precibus

summo

summo rerum moderatori assiduo commen-  
dem, nec ea, qua par est, animi devotione,  
gratiarumque actione unquam, dum spiro,  
esse desinam

VIR ILLUSTRISSIME,

EXCELLENTISSIMI  
TUI NOMINIS

Kilonii, mense Junio,  
anno MDCCLII.

devotissimus cultor  
JOANNES BERNARDUS BASEDOW.

## INDEX CAPITUM.

- CAPUT I. De vulgo vitiōse in Methodo cœptis.
- CAPUT II. Methodus inusitata & naturalis omnium scholasticorum studiorum, in primis linguae latinæ.
- CAPUT III. Prima Syntaxeos latinæ, captui ejus, qui usū linguae facultatem & auctorum intelligentiam sibi comparavit, accommodatæ delineatio.
- CAPUT IV. Quarundam objectionum dubiorumque rejectio, instituti paucis sed illustrissimis testimonii probatio.

PRÆFA-

PRÆFATIO.

**F**a differam, lectores, quæ ut omnibus placeant, fieri non potest; ut multis, vehementer opto; ut paucis, fore nullus dubito. Etenim novam studiorum puerilium methodum, non inauditam eam quidem, sed inusitatam tamen, publice propono examinandam. Evidet non ignoro, nihil vulgo tritus, insipidius ac hominis ad majora aspirantis diligentia indignius putari, quam vel scribendo pulverem excitare scholasticum, vel legendo haurire excitatum. Præterea tot exstant maximorum pariter ac minimorum virorum de educatione & institutione puerili consilia & tentamina, ut unus MORHOFIUS multis de ea re disputationibus materiam præbere queat. Nihilo tamen minus huic potius tractationi, quam cuivis alii applicui animum, nec vana ductus cupiditate res moliendi novas, nec fractus sinistris multorum de consilio meo judiciis; sed fretus veritate, experientia confirmatus. Quicquid supereft timoris, vestra, auditores, benevolentia atque æquitas mihi excutiat, impense & enixe vos rogo. Non plane indignum me esse, cuius & conatibus faveatis, & erroribus, quibus carere hoc opusculum minime potest, detis veniam, hisce ex cauſis facile probatur. Primo enim inter omnes, qui me bene norunt, constat, casu magis & alieno consilio, quam mea inventione me in hanc methodum incidisse. Quare quibus aliquatenus probatur, iis modeſte confiteor, laudum earum nullam mihi aliam deberi partem, niſi eam, quæ tribuitur homini rectiora monentibus non repugnanti, suffragia & consilia non ex numero sed ex pondere æstimanti, eaque, quæ obscure & breviter ab alio suppedita consilia ſunt, attentione ſua & diligentia expedienti, & effecta dare pro viribus conanti. Deinde ſi cui temerarium videatur, ea, quæ privatim exercere forte non absurdum ſit, multorum invidiae & obrectationi publice objicere, is quæſo meminerit, noſtrum

A

cujus-

cujusque esse, studium, diligentiam & operam in iis potius collocare, in quibus plurimis, maxime prodesse nobis videamur, non in his, quibus plurimorum speremus captare benevolentiam. Quid porro consultius, quam de rebus nondum satis elaboratis publice scribendo & disputando multorum explorare judicia, quo consiliorum nostrorum vitiaria, aliena auctoritate emendentur, inopiae nostrae aliorum opibus succurratur, & alia, quæ hæsitanter, licet vere, asseveramus, doctorum virorum consensu certiora nobis reddantur. Igitur animum induxi, quam brevissime hic de ea re agere; & tum demum doctorum monitis auctus & emendatus hæc cogitara justo libello copiosius & explicatus persequar.

Scribam igitur de puerorum institutione. Sed ea, quæ ubivis obvia sunt, strictem tantum attingam. Nec mihi quicquam cum publicis literarum ludis negotii est. Privatam duntaxat persequor methodum, qua duci ii possunt, qui & sunt in re lautiori, & dicati Musis, & quorum gratia præceptor unus aut plures simul, homines non indocti, cordati satis, & in primis laboriosi ali possunt, qui discipuli unius aut paucorum institutioni omne tempus suum, omne studium, omnem operam tribuere & velint & spei vitæque suæ ratione possint. Quid de publica sentiam institutione, hæcine emendari atque ad hanc naturalem methodum conformari queat, paucis dicam. De virtutibus puerorum moribusque formandis ea non repetam, quæ Salomo, Siracides, Plutarchus, Quintilianus, Lockius, Rollinus, Sülzerus alii prudenter & copiose monuerunt. Mihi nunc scientia & studia scholastica magis curæ sunt, quæ inter quoniam lingua latina eheu! huc usque maximo, immo omni fere angore, dolore, tempore & labore pueris constat, hujus mihi ratio habebitur maxime. Quod si de ea non semper docte satis & perfecte disputaturus sum; distinguendum esse puto intet errores, quorum causa in me est, qui me mediocriter tantum linguæ latinæ indole & arte critica tinctum profiteor, & inter eos, qui methodum meam, quæ ab exercitatissimo & doctissimo quoque longe, quam a me, felicius exercebitur, vitiostam, inutiliem & damnosam esse evincere possint, quorum ego aut nullum, aut, si qui sunt, facile evitabiles in instituto meo repeiri posse ita spero, tanquam cujus experientia confirmavit animum Adspiret cœptis Deus, faveant patroni, dent benigne veniam, qui aut plus sapient, aut plus sapere sibi videntur.

## CAPUT I.

## De vitiis in methodo vulgari cœptis.

§. 1.

**M**ethodi vulgaris difficultates & defectus ostensurus, non id ago, hac ut via multos evallis magnos viros inficier. Sunt præclara & divina ingenia, quæ ex omnibus difficultatibus dexteritate emergunt. Quæ autem quia pauca sunt, quis est, qui ea mihi ad approbandam consuetæ institutionis rationem tanquam exempla objicere audeat? Nec equidem diffiteor, mentes mediocritatem non excedentes hac tritissima via ad aliquam liberalium artium cognitionem habitumque tandem aliquando multis exhaustis laboribus, consumta quarta eademque optima vitæ humanæ parte pervenire posse. Multo vero minus contenderim, nusquam esse viros, qui aut publice aut privatim docentes in hac vel illa parte methodum, quam vulgarem dico, emendent, ejusque aliquomodo complanent asperitatem. Sed vulgarem voco methodum eam docendi rationem, cuius singula præcepta & partes a plerisque tūm in scholis publicis (forteā necessariō) tūm privatim (& hoc meo quidem judicio imprudenter) exercentur. Hæc est illa methodus, quam puerilis ætatis vindex pro virili impugnabo, ostensurus, quibus ea ambagibus ducat; quaque & breviore & amoeniore via duce natura ad eundem finem perveniatur.

§. 2. Atque quod primo loco quiritabundus commemorem, quis cordatus non ægre fert, primos vitæ annos, quorum aliquis in formandis puerorum animis iisdemque disciplinarum semine conspergendis usus esse potest, (de secundo ad septimum usque annum dico) vulgo aut prorsus vere iniutiles fugere, nec præterquam ea, quæ fortuito in puerorum sensus cadendo eos docent, quicquam fieri, quo futuris puerorum studiis aliqua afferatur utilitas. Docentur quidem signa literatum noscere, syllabas componere, legere. At vero fatendum etiam est, vulgo ita fieri, ut studiorum librorumque tedium in his exercitationibus conceptum multi pueri per totam vitam conservent. Prætereō fabulas aniles, narratiunculas impias & insulsas, quibus tenera hæc & cerea ætas a nutribus & custodibus proletariis imbui solet. Hoc tantum dico, illustriores pueros, quibus lauta est res, quique rei vel publicæ vel amplæ privatæ, vel tribunali vel cathedræ vel aulae educantur, & posse & debere in hac

preiōſa vitæ parte a ſecundo vel tertio anno cordati cuiusdam nec indocti magistri curæ tradi, qui ingenioſe ludendo, acute jocando, conſulte narrando, res ſenſibus objectas earumque cauſas prudenter explicando, amice & graviter monendo diſcipuli animum multis ad ſeveriora ſtudia & vitæ officia ſubſidiis inſtruat & præparet, & ita legere & numerare doceat, ut niſi effectu, ſe diſcere, diſcipulus non animadvertat.

§. 3. Omnis noſtra a ſenſibus incipit cognitio, & experientia re-rum magistra eſt. Hinc efficitur omnibus in disciplinis, ut multa pue-ris obſcura maneant hanc ſolam ob cauſam, quoniam ea non viderint audierintve, ſine quibus præcepta moralia, institutiones theologicæ, hi-ſtoricæ, philoſophicæ, quibus inſtruenda tenera ætas eſt, nihil ſunt aliud, quam æs reſonans & cimbaluni tinniens. Ejusmodi ſunt obſervationes quædam de telluris virtute, alia vitæ neceſſaria ſponte, alia non niſi ac-cedente hominum cura & labore gignendi, de animalium hominumque ortu; de hominum ætatibus; de conſortii humani ad felicitatem com-munem neceſſitate; de paſtorum & legum virtute; de magistratum pœnarumque uſu; de opificiis, mercatura, pecuniaria; de variis vi-ctum amictumque parandi modis; de bellorum cauſis & rationibus; de primis fanæ rationis notionumque communium principiis; de modo re-rum geſtarum memoriam ad posteros aut traditione aut literarum mo-numentis propagandi; de caſu & fortuna; de veriſimiли; de orbis ter-rarum facie, multisque aliis.

§. 4. Verum hæ obſervationes nonne tandem aliquando aut pue-ris ſponte occurruunt, aut in explicandis ſingularum diſciplinarum prin-cipiis traduntur? Id vero fit. Sed tum juſto ſerius eſt. Muſto ma-jorem fructum ex ſcholis caperent prieri, ſi a prima ætate hiſ ex omni e-ruditione a præceptore colligendis obſervationibus non carerent. Sed vulgo caſui committuntur. Quo fit, ſero ut ſapere incipient, & re-rum pro cognitione verba non intellecta captent; ut ſeđiſſimis ineptiſ-ſimisque erroribus ſcateant; ut denique non ex animi affectu, ſed iuſſi & coaſti, ore, non mente, Deum colant, vitæque ſuæ officia fuſtis, famis & ignominiæ metu potius, quam quod ita homine dignum putent, ali-quatenus præſtare videantur. At dices; ſunt hæc ultra pueri vires. Ne-quaquam, boni viri. Tantum capit puer, quantum præceptor vel ex re-bus ſenſui ſubjectis vel ex earum deſcriptione ſine ſaltu rite, recte, per-ſpicue

spicue demonstrare valet. Etenim anima haud crescit, ut corpus secundum annorum numerum, sed prout judicij & ratiocinii materia, quæ experientia est, aut re ipsa, aut sermonis auxilio vel mature vel tarde suppeditatur. Quare, quæ dixi, puerili ætati tantum abest ut repugnant, ut pleraque a cordato prius tradi queant, quam literarum figuræ & lectionis rudimenta pueros docere necesse sit.

§. 5. Quid de vulgari, qua religionis fundamenta ponи videntur, methodo multa dicam? Quorsum illæ præcatiunculæ, illa sacri codicis dicta, abditissimis referta veritatibus, quorum ne apicem quidem intelligent parvuli, quæ tamen laboriose memoriae mandare, tædiose recitare balbutientes consuefieri solent? E. c. *Pater noster &c. Unus in tribus personis Deus; Christum amare præstat sapientiam; Christi sanguis purgat nos; Homo non vivit duntaxat pane &c.* Quorsum hæc iis, qui ne vocabula quidem, ne dicam sententiam, de trinitate, Dei regno, peccato, sanguine Christi, de ecclesia eatholica animo comprehendunt? Forte an in spem futuræ discunt intelligentiæ? Verum nonne satius est, discere & recitare ea, quæ nunc intelliguntur, quorumque recordatio viam ad difficiliorum adyta aperit? Sic de pericopis evangeliorum & epistolarum mea etiam habet sententia, quarum materia explicatioque toties in vita nostra bene & male repetitur, ut fieri non possit, quin omnem ex his locis fructum percipiamus, etiamsi nunquam in scholis edidicissemus. Eadem Psalmorum ratio est. In summa. Non intellecta memoriae mundanda non sunt. Nunquam enim eorum destruimus copia, quæ parvulis intelligibilia sunt. Quorum si frequens recordatio magnam utilitatem habet, caussæ nihil dico, quin iis ediscendis puerorum exerceatur memoria.

§. 6. Redeundum ad Theologiam est. Non spero esse, qui negent, alias sacri codices partes aliis puerorum captui aecommodatores & lectione etiam digniores esse. Quid igitur juvat, ejus lectionem protinus a capite ad ealcem absolvendam pueris instituere? cum sufficiat parvulis imo etiam multis, qui Theologiæ profitenda non dicati sunt, adultis, de nonnullis libris infinitisque sacrarum literarum capitibus summam scire; e contrario alii libri, alia loca nunquam satis a quoque intelligi, legi, repeti, imbibiri & in succum & sanguinem verti queant? Nec dicere ausim, annè minores Beati LUYHERI cathechetice institutio-

nes, quibus ediscendis prima ætas occupatur, aptiores sint, quibus veritas divinæ jam antea alio modo cognitæ & perceptæ in memoriam revocentur, inque ea conserventur, quam quibus prima Christianismi rudimenta teneræ ætati explicentur atque inculcentur. Nam si a decem præceptis & primo Symboli articulo recesseris, reliqua talia sunt, ut fere singula verba magnum cognitionum cumulum ad sui intelligentiam desiderent, atque non nisi ex sacra historia & profana, ex articulis Christianismi abstrusioribus explicari queant. Verum non intellecta memoria mandare & tædiosum & difficile est. Ea autem, quorum nec sententiam capis, nec veritatem rite demonstratam habes, credere & proferi juberi, quemadmodum vulgo jubentur parvuli, aut fidem minime solidam gignit, qua his profanis quidem temporibus maxime eget illustrior juventus; aut profanæ Christianismi contemtioni & rejectioni viam sternit. Utinam igitur Theologi ægre non ferrent, ut pueri alia quædam via, a facilioribus ad difficiliora eundo, vel ex meritis dictis bibliis vel ex libellis in hunc usum adornatis, Christianismi principia sic imbiberenr, ut de ejus veritate a primis annis magis persuaderetur illis, quam in Lutheri Catechismo explicando commode fieri potest. Tum demum utilissime explicari & memoria comendari posset hic libellus cœclesiæ symbolicus.

§. 7. His de rebus plures quidem afferri querelæ possunt, sed quas multi magni viri in scriptis suis docte & copiose exposuerunt, quorum ego prudenter & eleganter dicta hic non repetam. Liceat vero hæc interrogare: Quomodo oracula divina lectu amœna & cara maneant, a prima si pueritia duris sane telis ad ea legenda cogimur? Qui præcepta divina in animum penetrant puerorum, nisi, quod vulgo negligitur, eorum tum justitia, tum necessitas utilitasque in rem & publicam & cujusque privatam iis a præceptoribus ostendatur? Unde affectu plenus Dei amor; unde ingenuus ejus timor, unde utilis sapientia, potentia, bonitatis divinæ admiratio, nisi, quomodo per majores parentesque originem nobis dederit; terræ inexhausto proventu nos alat, vestiat, domiciliorumque nobis suppeditet materiam; quomodo amore parentibus in prolem insito, artibus & nostris & alienis, mutuo hominis in hominem officio nos locupletet, magistratum armorumque beueficio nos tueatur, vivis mortuisque doctoribus doceat, nisi hæc, inquam, & multa alia

alia, quæ autem virilem ætatem vix attingi solent, dilucide oculis puerorum animisque offerantur? Quam sero hæc casu discuntur? Quanta igitur carent utilitate pueri, qua eos, quibus a prima ætate cordatus præceptor ali potest, carere nequaquam oportet?

§. 8. Latinam vero linguam si speetas; malum! quam infiniti, quam iniustiles labores vulgo pueris exhauriendi sunt? Quantum tædii devorandum? Quot perpetienda verbera, aliæque cestigationes, priusquam eo perveniant, unum alterumve auctorem aliquatenus ut intelligant, pueriliter imitentur, laboris & barbare vertere valeant, corrasisque undique phrasibus oratiuueula in dicam? an centonem? latino sermone consuere ægre discant. Hic equidem non negaverim, rem per se esse difficilern & tædiosam, linguam aliquam ita discere, tantamque eius sibi parare facultatem, ut & recte loqui & proprie vertere in eam, & tum pure tum concinne & ornate in ea scribere valeas. Verum quid methodus hic possit vel retardando vel promovendo, dubitare posse arbitror neminem. Age igitur! methodum contemplemur vulgarem, intellectisque ejus incommodis inquiramus, num qua hac naturæ convenientior, facilior & promptior usquam sit. Quam inventam, ubi per hominum iudicia, temporumque superstitionem licet, sequamur; non inventam inter pia cordatorum desideria ponemus.

§. 9. Omnis ad linguæ facultatem hæc tria requiruntur, intelligere posse, scribere posse, loqui posse. Quorum quodque duobus eget subsidiis, videlicet singularum vocum significaciones vel ex sape juncta cum vocibus rerum perceptione, vel ex frequenti versione intelligere & memoriter tenere; deinde, quid quælibet vox in comitatu & contextu orationis significet, perspicere, itemque memoriter tenere. Posterius nunquam perfectum & omni numero absolutum esse potest, nisi vocum natura ex etymologia; combinatio vero ad efficiendam hanc aliamve sententiam ex syntaxis pernoscat. Quo fit, ad perfectam linguæ facultatem hæc duo ut requirantur, vocum singularum significatus familiates sibi habere; atque in ambiguitate, auctoris sententiam regularum ope eruere, suumque sermonem eodem subsidio perspicuum & stabilem reddere.

§. 10. Quid vulgo igitur sit, ut vocum significaciones pueris reddantur cognitæ? Nimirum rerum, actionumque signa seu nomina ediscun-

diseuntur. Cujus instituti hæc sunt incommoda & difficultates. Primo, homines, quorum pueri pars sunt, ita sumus comparati, ut incredibilem quandam res, quibus judicium & ratio exercetur, phantasia vero jucunde assicitur, cognoscendi cupidinem habentes ægre feramus, si quis memoria, phantasia, attentione nostra ita abuti vult, ut legere, memoriter tenere, recitare aliquid cogat, quo nihil materiæ vel judicium exercendi, vel phantasiam oblectandi suppeditatur. Voces vero sparsim & sine nexu auditæ lectæve nihil tale nobis afferunt. Quod si quis dicat, vocibus significati res, easque meditandi congerere materiam, is sciat, me ab ipso minime impugnari. Nam vocabula discere jussi res iis subjectas aut prorsus imaginari prohibemur; aut raro licetum nobis est, utpote de sono præcipue sollicitis. Quare vocabula ediscendi studium perinde voluptati nostræ adversatur, ac si quis liber inverso verborum ordine, ab ultimæ paginæ postremo ad primæ primum usque tories per legendus esset, donec memoria inhæreret. Jam omnes interrogatos velim, num quis sine ingenti tædio tale quid suscipere posset; anne vita nobis acerba videatur, multos si annos in ejusmodi desudandum esset opere, diligentia que hoc in genere defectus dolorem nobis contraheret & contumeliam? Quis est igitur, qui miretur, pueros ægre ad librum memorialem ediscendum adigi; gravius fieri, quod male feratur, onus; inde omnium literarum tædium enasci, ingenia hebetari, valetudinem frangi? Quis tecum non optet, hac cruce ut liberata juventus alia quadam methodo eundem ad finem perveniret? Prætereo leviores inveteratae methodi hoc in genere errores, qui sunt, cum multa discuntur vocabula, quorum aut nunquam usus erit, aut prius oblitterabitur memoria; cum res vocabulis subjectæ discipulis raro monstrantur explicantutve, quod mirum quam memoriam juvar; cum e contrario sonum in sonum vertendo sibi aliquid scire discipuli videri consuescant, quæ consuetudo dici non potest, quantum literis dæmni afferat.

§. 11. Alterum, ut supra dixi, subsidium, grammaticorum in regulis positum est. Videtur fortasse cuidam, ad intelligendum hisce regulis adeo opus non esse; vulgus Romanum prosam ligataisque orationem sine his intellectis; præceptorum grammatices expertem diurno lectionis auditionisque usu vel difficillimas periodos, poetatumque tricas intelligere posse. Esto. At primo non omnibus, ut toties exerceantur.

vacat.

vacat. Certe quandoquidem latina lingua mortua est, nec nisi ex unius alteriusve præceptoris ore auditur, solus loquendi legendique usus plurius difficiliora auctorum loca vix ac ne vix quidem nobis aperiret. Adde, quod quotidiana in nostris hominibus experientia docet, homines vernaculae regulis haud instructos, quantumlibet legerint audierintque, saepe tamen in poetis nostratis invenire, quod non, quod secus intelligent. Taceo plerosque Musis dicatos ea mente disciplinæ scholasticæ tradi, ut non intelligere solum, sed & scribere, & si potest, recte latine loqui discant, quod profecto sine grammaticorum auxilio, ut par est, nullo modo fieri unquam potest.

§. 12. Grammatices vero Etymologia & Syntaxis primariæ partes sunt. Hic vulgo peccatur, quod nominum verborumque flectiones descendæ pueris tum jam mandantur, cum, quid quæque orationis pars sibi velit, quorsum numeri, casus, modi, tempora, personæ conducant, nondum cognitum habent; cum flectendæ voces nullam linguæ facultatem habentibus adhuc barbaræ & monströsæ videntur. Nam quis non pervidet, hanc operam minus tædii, amoenitatis autem plus habituram, si exspectaremus, donec, quem in usum fiat, ex generalibus omnium linguarum qualitatibus, iis demonstratum sit, & legendo, loquendoque eorum & aures & lingua vocibus terminationibusque accipiendis & proferendis magis idoneæ & assuefactæ sint. Porro nimis mature inhæretur declinationibus ex Græcia translatis; anomaliae nimis insituntur ediscendæ, cum sufficiat, saepius legere, & oborta autum dubitatione scire, ubi hæc tractatio inveniatur. Generum anomalias non arbitror ediscendas, sed dijudicandas ex apposito adjectivo, in ambiguitate vero, recurrentum ad Grammaticam. Nec multo aliter de comparatione sentio, motione, præteritis & supinis, multisque aliis Etymologiæ præceptis. Usus præeat, regula sequatur, cuius vulgo fit contrarium.

§. 13. Syntaxeos vero regulas non ante explicatas, non usu probatas vi & armis puerorum inculcare memoriae, quid aliud est, quam insanire & delirare? Quarum pleræque quam sint obscuræ, ambiguæ, intricatae, nunc non dicam. Nam eas fateor difficultates vix evitari posse, nisi Etymologiæ caussas, philosophorum ritu, discipulis explicueris, ac priusquam eos ad Syntaxin admittas, enuntiationis naturam, partes, qualitates ordinate pertractes; ubi fieri non potest, quin subjecti, attributi,

buti, objecti, rei proprietatis, causæ multiplicis intelligentia aperiatur, cui ut opinor, ceu fundamento non latinæ solum, sed omnium, quotquot sunt, linguarum Syntaxis superstruenda est. Hic tantum illud urgebo, graviter errare eos, qui Syntaxeos regulas aliter, quam explicando, legendō, repetendo discipulos docere volunt. Parta vero pueris earum intelligentia, comparato earum per elaborationes aliquo usū, si qui felici memoria sunt, hi quin primarias ediscant, ego fane nihil repugno.

§. 14. Optima Etymologiarum exercitatio, resolutio vocum grammatica est, quam analysin vocant. Cujus frequens repetitio eo est necessaria magis, si puer nec ex libro memoriali vocabula, nec ex grammaticæ præteriorum & supinorum exceptiones edidicit, sed audiendo, confabulando, legendō ad eam, qua gaudet, linguae facultatem pervenit. Vulgarem igitur hujus methodum minime reprehendo, modo ne omnes ad unam voces in auctore occurrentes, sed ex duntaxat, quas non satis hucusque cognitas discipulus habet, quotidie resolvantur, nec prius hæc instituatur exercitatio, quam primariis Syntaxeos præceptis imbutus sit discipulus. Sic nec omnes auctoris periodi, ut vocant, construendæ sunt, sed difficiliores tantum. Quod vulgo si fieret, quantum obsecro temporis faceremus compendium! Poetæ optimum hujus exercitationis instrumentum sunt. Verum auctorum expositionem, quam vocant, tantum abest, ut ea, qua fieri solet, ratione institutam approbem, ut equidem potius, quid utrique linguae vernaculae & latinæ magis noxiū; discipulo præceptorique fastidiosius sit, nescire me fatear. Fendum ad tempus, imo suadendum esset, si ea tantum auctorum loca, quæ per utriusque indolem linguae ad verbum verti possunt, vertenda hoc modo darentur. Ast vulgo vertitur Phædrus, Tettentius, Cornelius. Hinc credo factum esse, ut complures docti viri ita vernacule scribant, ut Romæ non in Germania nati educati videantur. Quantæ vero obsecro hoc turpitudini iis est, qui adolescentum in latino sermone lapsus toridem maledictis aut plagis compensant, & vel stulte vel pueriliter crispato naso rident, si quando phrasis auream ætatem non sapit, aut homo cetera non indoctus memoriae lapsu aut alia cogitans Pticiano, ut nugantur, alapam impegit?

§. 15. Mea igitur de libris latinis convertendo interpretandis, nec  
non

non de vernaculi sermonis in latinum conversione, deque librorum delectu hæc sententia est. Priusquam puer interpretari vertendo incipiat, utramque linguam ex privato utriusque usu calleat, nec utriusque Syntaxeos sit imperitus. Tum vero vertendum nihil est, quin tam argumentum totum quam singulæ pensi periodi, imo singularum vocum emphases, a discipulo in ea, ex qua convertere debet, lingua intelligentur, per noscantur, sentiantur, atque memorabiles idiotismi a præceptore ostensi, phrases elegantiores eius, in quam converti debet, linguæ suppeditatae sint. Lexicon enim pueris non sæpius adeundum est, quam ut eo tandem uti assuescant. Hæc scriptam maxime versionem attinent. De communī autem scriptæ & dictæ versionis ratione animadverti, nec construendo nec verba verbis reddendo fieri debere, nisi illud ob difficultates necessarium, hoc ob utriusque indolis linguæ convenientiam innocuum sit; prætereunda mere legendo a discipulo esse, quæ quotidie occurunt; poetas non vertendos prius, quam latine exposuerit præceptor, nec tum ad verbum, sed ad sensum; interpretationem vernacule scriptorum, convertendo scilicet in latinum sermonem, æque tum ore tum stilo exercendam esse, quam auctorum clasicorum. Quare miror Gellerti epistolas, Hagedorni fabellas, Moshemii orationes, Boslueti a Kramero translatam Historiam non æque in scholis privatimque, latine, ut ajunt, exponi, quam Phædrum, Ciceronem, Curtium vernacule. At hic hæret aqua. Nam quotusquisque discipulus vulgo eruditus eo pervenit, ut hoc possit? Quid quod ipsi præceptores vulgo docti non possumus magis? Denique affleverare ausim, in legendis classicis eo, quo fit, tempore, totius eruditionis progressum in pueris non optime promoveri. Magnum enim & temporis & laboris compendium est, si nunquam (certe non diutius ac necesse est) soli linguæ studemus, sed tractando res & disciplinas scholasticas, linguarum facultatem seu fortuitam accessionem adipiscimur. Esse autem alia latine scripta, quæ scientiarum progressum in rudi omnium ætate magis, quam Terentius, Cornelius, Cæsar, Justinus, Cicero promoteant, nemo ignorat. Nec mihi repugnat quisquam affirmanti, hos ipsos classicos majori cum fructu tum legi, postquam historiæ universalis, disciplinæ moralis, politicæque, antiquitatum, mythologiæ primas lineas ex aliquo compendiolo perlustraverint adolescentes. Quid hic dicere habeant multi, non ignoro. Largior iis

ex animo, nusquam puriorum elegantiorumque latitatem quam in fontibus hauriri; largior, legendis recentioribus contrahi aliquas barbarismorum folcismorumque fordes. At vero illud sententia mea me minime depellit. Persuasum enim mihi est, barbarismorum & folcismorum intelligentiam his temporibus maxime esse necessariam, nec nos non posse cavere, quin aliquando aliqua nobis acquiratur eorum familiaritas. Unde sequitur, ut latini sermonis puritas non possit salva esse, nisi in eo, qui post puratum & barbararum (dico de barbarismis in optimo recentiorum librorum genere tritis) vocum, phrasium, constructionum confusam cognitionem familiaritate inque arti criticæ nonnihil vacare vult ac bona latinitatis grana a pulvere; putamine, palea, acere segregare discit. Qui enim pueri limpidissimos hauserunt fontes, postea autem rhetorum, philosophorum, historicorum, theologorum, iurisperitorum recentioris ævi inquinatis rivulis implentur, næ illis accidit idem, quod Lipsia in Saxoniam inferiorem venientibus, quorum elegantia sermonis mirum quantum deformatur, si nostratum caussa nostram imitari dialectum non nunquam eos oportet. Reliqua hujus generis, alia sectione disputabo.

## CAPUT II.

## Methodus erudiendæ juventutis naturalis.

§. 16.

**P**er est utile pueris, ut protinus post ablactationem iis præficiatur homo doctus, cordatus, bene moratus, lenis præcipue & humanus, qui magnam diei partem a puero non absit, qui vultu, gestu, verbis doceat eum, regat, corrigat, & amorem benefaciendo, auctoritatem prudenter agendo, castigando vero vel repetito post commissam a puero graviorem culpam sui metum sapienter sciat accedere, stabilire, incutere. Unus puer plures si præceptores haberet, consularem, ut unus vernacula, alii ab incunabulis ejus latine & gallice cum illo loquerentur. De linguarum enim confusione, si simul discuntur, metus vanissimus est. Quod si vero unius tantum magistri copia est, certis diebus aut horis latine, aliis germanice cum discipulo confabuletur, ita vero, ut plus latino quam patro sermoni temporis tribuat. Etenim a multis vernacula audit puer, a solo magistro latina.

§. 17.

§. 17. Optimæ vero educationis hæc duo primaria sunt, ut puer parentibus magistroque libenter pareat; atque ut nullum adversus omne literarum genus tædium concipiatur. Quamobrem naturalem puerorum morositatem mansuetare debemus, pritisquam literarum elementis eos imbuimus. In Elementorum characteribus, licet ante decimum annum eos non disceret discipulus, ita semper versandum est, ne discipulus iis vel distinguendis vel enuntiandis unquam defatigetur. Minueretur puerorum labor & tædium, si Alphabetti ordinem, Syllabarum ex literis compositionem, vocum in Syllabas, eartumque in literas resolutionem non manibus libro onustis, nec oculis in eum defixis, sed primo tempore ex præeunte magistri voce perciperent. Quo facto si puerum adolescentiorem nunquam adhuc literarum elementis pro vulgari ritu afflictum & vexatum ad librum duceres, & primam literam a ante seorsum ostensam ubique indicare juberes; eademque ratione adusquez perpetuata, ad ordinem omnes in libello obvias nominatim appellatas syllabatim, quod ex audiendi consuetudine ei non potest non in promptu esse, componere; postea syllabas in verba præcipitare ei mandates; næ brevi facillimeque discipulus tuus legere disceret. Quod eo succederet melius, hunc in usum aliquot pagellas si perscriberes rerum familiarissimarum, honestorumque jocorum plenas, quas typographus exprimeret. Tum & liberter legerent discipuli & statim intelligerent lecta, nec non concinna & rebus convenienti voce uterentur.

§. 18. Primis puerorum annis magister diuimodo eorum lateri continuo adhæreat, lusibus præsit, mores regat; non opus est, imo nocuum, ut statim diei horis scholam aperiat. Hic confabulatio inter lusum & ambulandum quasi fortuito oborta maximum est. Hic linguarum vernaculæ & latinæ copia quæratur; hic explicatis rerum domesticarum culinariæ, agrariæ, vestiariæ, opificiaria, mercatoriæque in omnibus & caussis, mens cerea tum cogitandi informetur materia, tum judicii de rebus obviis acumine uti consuecat. Nec sine usu conscriberentur aliquot pagellæ, quibus, si forte confabulandi de his rebus præceptorem copia deficeret, & hic se locupletaret, & discipulus auditæ & explicata relegeret. Sparsa hac omnis eruditioñis femente, demonstratoque pueris literarum honore, utilitate, suavitate volentes primum studiorum scholasticorum stadium bonis auspiciis ingrediantur, pacient-

tes præceptoris diligentiam, attentionem & obsequium in studiis observandum.

S. 19. Quo primo in stadio docendi discipuli sunt, præceptoris manu scripta tum in charta tum in lignea tabula legere. Tum Cosmographiae prima jacienda fundamenta sunt, id quod ita fieri oportet. Subiecte primas de re publica, mercatoria, de telluris figura, de maris, terræ, fluminum permistione, de re navicularia, de peregrinationibus, de montosis, convallibus, fretis, promontoriis, euripis, syrtibus &c. notiones, maximam partem ex superioribus tecum pueri colloquiis cognitas. Post vulgaris terrarum orbis in 4 partes, & oceanos, Europæ vero in magna regna divisio ope globi minime artificiosi cum mappa comparati perlustretur & discipulo reddatur familiaris. Quo in conatum sufficit, si Europæ regna, regni cuiusque metropolin noscat. Sed cave judicium pueri negligas, soli memoriarum intentus. Da ei potius simplicissimas, veri, falsi, probabilis, boni, mali, indifferentis regulas, non recitandas, sed animo & consensu amplectendas. Huic libello, cuius generis in puerorum utilitatem nullum novi, explicatio facilis ejus, quo aut traditione aut librorum monumentis antiquitatis memoria propagari potest, modi adjungatur. Sic præparato discipulo, a nostris retrogradiendo temporibus necesse compendiosam Imperiorum, Romano-Germanici, Constantinopolitani, Romani, Ægyptici seu Graeci, Persici denique & Assyrici seriem, in qua periodi illustriores ex chronologia notentur, illustrissimorum duntaxat principum nomina appellantur, nulla religionis mentione facta, terminoque hujus historiæ in obscura quadam de diluvio majorum traditione constituto. Utinam ejus instituti libellus extaret! Ex Erasmi præceptis de morum elegantia, ex Catonis distichis, ex scriptis Salomoneis si ea excerpteret, quæ & puerili ætati maxime convenient, & virtutes non tam officio & religione, quam utilitate commendarent, optimum pro parvulis disciplinæ moralis compendium haberet. Quo prælecto, alius libellus conficiendus foret, scilicet de mutuo omnium hominum vinculo, in quo primo de societatis necessitate, post de magistratum pœnarumque usu, denique de imperfecta hominum tum singulatim tum in republica consideratorum felicitate, ejus caussis & remediis secundum puerorum captum ageretur. Hunc libellum excipiatur physica puerilis de universi atque aliquarum ejus partium ordine;

pulchri-

pulchritudine, & ut videtur, defectibus, ex Feneloni de l'existen-  
ce de Dieu excerpta. Sequatur simplex opinionum de ortu  
rerum narratio, scilicet aut æterna, aut fortuita, aut in ordinem re-  
dacta, aut creata esse omnia. Adjunge probabilem ultimæ opinionis ex  
priorum absurditate, & totius antiquitatis in hac consensu demonstratio-  
nem. Jam tempus erit de probabili Dei essentia, unitate, spirituali na-  
tura, potentia, sapientia, justitia, animorum immortalitate cum discipulo  
ex rerum contemplatione differendi. Hic denum colloco precum  
puerilium initium, quibus summæ naturæ nondum satis cognitæ cultura  
tribuat. Nunc Hubnerus in sacra historia vobis dux erit, Israelitarum  
res gestas & de ortu rerum, natura & voluntate divina sententiam na-  
rrans. Tu eadem in sacro veteris testamenti codice commemorari ei  
ostendas, quæ & fide digna esse ex antiquitate codicis, miraculis quibus-  
dam evidentibus & hujus systematis utilitate plane & solide demonstres.  
Eodem ex veteri testamento exerce quædam prophetarum & Mosis di-  
cta de Dei attributis, providentia, de primariis morum præceptis, de  
peccato, de quatuor ultimis rebus, de futuro magno doctore, peccato-  
rum propitiatore & gentium ad veram religionem congregatore. Hic  
primus catechismus esto, cui quædam mythologica de gentili theologia  
subjungas. Post hæc Hubnerus res Christi & Apostolorum gestas nar-  
rabit, cui narrationi ex novo testamento passim lecto, ex vaticiniis, mi-  
raculis, Christi resurrectione, Martyrum morte fidem facies. Tum præ-  
missa de divina codicis auctoritate tractatiuncula, Catechismi Lutheriani  
utilissime instituetur lectione atque explicatio. At hoc modo fero, in-  
quis, de trinitate, Jesu Christo, peccato originali, cælo & orco pueri re-  
citare & respondere aliquid discunt. Sero sane. Sed in his, qui literis  
dicati sunt & quibus vacat, sat cito, si sat bene, si sat solide, si sat viri-  
um contra futuræ profanitatis & incredulitatis pericula hoc modo suppe-  
ditarur. Ast, inquis, ita puerile & debile judicium nimis mature ab-  
stractis a sensu veritatibus maceratur. Non eredo. Etenim nulla turris  
tam alta, quin a parvulo eo ascendi possit, si singulæ scalæ nullo inter-  
vallo satis prope distant. Crede tu potius mihi, nihil a sensibus Gram-  
matica esse abstractius, in qua tamen quanquam vulgo confuse satis tra-  
ctata nonnihil proficiunt ipsi parvuli.

§. 20. Emensus itaque hoc stadium puer priusquam secundum in-  
trer,

tret, interralli aliquid statuatur, quo arti scribendi, & Arithmeticæ, ut vocant, quatuor speciebus vacare possit, nec non oratiunculam narrationemve lectam auditamve, quarum exemplis caremus, vel suis verbis vel memoriter decenter reddere assuescat. Quo in genere mediocriter versatus puer secundum scholasticorum studiorum stadium ingrediatur. Singularis vero diebus horam priorum repetitioni tribuo, sic dirigendæ, ut discipulus dicta lecta que nonnunquam suis verbis ore & stilo exprimere conetur. Utpote, si legeret, Iosephum deflessæ patris mortem, ejus est, verisimilia Iosephi verba excogitata concipere. Secundam horam Theologiae assignabimus, sacri nimirum codicis lectioni, compendii Hutteriani explicationi, item Augustanæ confessionis, symbolorum universalium, precatiuncularum in ejus usum conscriptarum, canticorum religiosotum. Tertia hæc occupatio erit. Alternis vicibus explica discipulo ejusmodi grammaticas, latinam quidem latine, vernaculam vernaculae, quæ ex universalibus ejus linguae proprietatibus, quantum potest, regulas deducant, cuius generis primas lineas disputationi huic annexui. Omnia exemplis ex quotidiano sermone sumtis illustra, in illustratis imitatione discipulum exerce; ea vero, quæ penitus memoria infigi oportet, utpote declinationes, conjugationes, graduum formationem tabulis synoptricis inscribe, & toties in legendis, explicandis repetendisque illis versare, ut facillime discipulus memoria mandare possit. Quartam occupabit Analysis, constructio & interpretatio bene in utroque sermone scriptorum, cuius de generis usu & abusu supra satis copiose disputavi. De versione vero seu interpretatione est, quod insuper dicam. Conscriptibodus nimirum vel excerptendus libellus est, cuius omnes vices eodem ordine in utraque lingua proprie exprimi possunt. In hoc vertendo incipias. Post aliud sequatur, in quo verborum quidem ordo, non autem proprius vocum significatus, aliud in germanico est, aliud in latino. Tum ad auctores vel classicos vel recentiores interpretandos accinge discipulum. Tres vero sequentes horas ita velim dispenses, ut duas historicis disciplinis assignes. Alternis videlicet legas explicesque Hubneri in universalem historiam introductionem ac Sleidani de quatuor imperiis. Prior enim memoriam melius adjuvat, posterioris stilus & materia pinguior est. At nunquam historiæ studeas, quin mappa geographicæ, chronologica, genealogica in promptu sit. Hoc modo post-

postquam aliquantisper in rebus gestis explicandis versatus es, Hubneri & Cellarii introductiones in Geographiam a capite ad calcem ita percurre, ut contentus, si provinciarum earumque tantum praecipuarum nomina discipulus teneat, hoc agas maxime, ut indice & mappa geographica suo marte uti assuescat. Nec inutile erit, historiae universalis loco commentarios terum nuper gestarum nonnunquam legere, technicas eorum voces, quae res ad bellum & administrandam rem publicam pertinentes significant, sedulo explicare, ac interdum Europæ regnorum originem & magnas vicissitudines ex Historiæ Hubnerianæ decimo Tomo data occasione prælegere. Quod superest diei, Calligraphiæ & Arithmeticae donabimus. Addo tantum, pueros epistolarum commercio & rei familiaris sive administrationi quam matutissime implicando esse.

§. 21. Studiorum jam in tertium stadium ducor. Hic Theologia non tam docebitur, quam exercebitur, sacri scilicet codicis, Kempisi de imitando Christo lectione. Ceterum duabus quotidie horis Ernesti initiorum interpretatio te occupabit, contentum, si discipulus auctorem intelligat; veritati argumentorum pondere victus consentiat. Ex Mathesi sufficit, si perspecta aliquomodo methodo ea tenet, quæ in reliqua Philosophia seu exempla citantur. Dialectices iis tantum immorate capitibus, quæ definiendi, describendi, dividendi, in prima forma ratiocinandi, de veri, falsi, verisimilis, logomachia criteriis judicandi facultatem maxime augent. In Metaphysica parum, aut prorsus nihil tibi cum Harmonia Leibnitiana, cum mundo optimo, cum arduis de libertate questionibus negotii sit. Quid multis? Hic alioquin tam ob rerum copiam, quam verborum puritatem præstantissimus liber non pueris sed juvenibus, scriptus est: Quare opera eslet pretium, ex eo, quæ imbecilliori ætati maxime convenient, sapienter depromere. Vito clarissimo Ernesti, sequenti hora succedat Wagenseilius, Historiae universalis synopsis puerum & rerum gestarum monumentis locupletaturus, & ad classicos auctores legendos, quorum ille verbis fideliter excerptis utitur, optime præparaturus. Alia autem hoc in libro prætermittenda, alia legenda, alia majori studio explicanda, nonnunquam analyseos, constructio num, phrasium causa aliquantisper consistendum esse, sua quemque docebit prudentia. Classicorum vero ad lectionem ut prior fiat discipulus, conductet, sequenti hora syllabarum ut quantitatem, metri minim

sum unius rationem discipulo perspectam reddas. Tum enim expli-  
 cata quadam selecta antiquitatum ex Nieuporto, Mythologæ ex Pomaji  
 Pantheo parte, classicorum lectionem aggredietur felicissime. De qua  
 sic velim habeas: Unum priusquam absolveris, ad alium ne progredia-  
 ris. Singulare & rari quicquam si occurrit, diligenter repetitionis cau-  
 sa in pugillaribus pueri notari, aut grammaticæ adscribi jubeas. Auspi-  
 caturus auctorem, vel novum ejus librum, præpara te reddendæ neces-  
 sariæ ex Geographia, Genealogia, Antiquitate aliisve disciplinis rationi.  
 Ordo auctorum sequens mihi arridet. Historicus facilis, Ovidii quæ-  
 dam ex Ponto, aliquot Taciti imperatores, quædam Horatii Odæ & Sa-  
 tyræ, Mureti (sit huic inter classicos locus) quædam orationes, ejusdem  
 nonnulla carmina, pars Metamorphoseos Ovidianæ, Ciceronis quædam  
 epistolæ, Philosophica, orationes, Virgilii tota Aeneis, Plinii selectæ epi-  
 stolæ ejusdemque panegyricus, denique Lucani, Juvenalis, Persei & Lu-  
 cani quædam. Patrii vero sermonis ut librum varii generis classicum ha-  
 beremus, valde optabile esset. Excerpta ex optimis canticis sacris, epi-  
 stolis Gellerti, Fabellis Hagedornianis, orationibus Moshemianis & Li-  
 piensibus, ex spectatore Anglicano germanice redito, ex Rabneri saty-  
 ris, carminibus optimis, ex orationibus politicis; atque collectio ora-  
 tiuncularum puerilium, ejusmodi librum puerorum manibus tradendum  
 facile suppeditarent. Eadem enim eorum, quæ classicorum latinorum,  
 imo multo major utilitas est. O quam vesanum est, latini sermonis,  
 quo centesimus quisque idemque raro uititur, tam anxie aucupari ven-  
 rique puritatem & elegantiam, patrii autem puritatem, emphases, lepo-  
 res, quibus nemo honeste carere potest, aut casui commissa prorsus non  
 attingere, aut obiter & defunctione in iis versari! O tempora! o mores!  
 Restant stili exercitia hoc in stadio maximopere adhibenda. Quo in ge-  
 nere si dicerem, discipulos vertendo, vatiando, carmen solvendo, coar-  
 etando, amplificando, characteres formando, personas, loca describen-  
 do, sermones denique alterius imitando versari debere, actum agerem,  
 cum & alii & in primis Heineccius hac super re consilia optima dederit.  
 Sic occupata sufficienti dierum parte, reliquam per me habeat calligra-  
 phia, arithmeticæ, gallica lingua, corporis exercitium & necessaria deni-  
 que respiratio. Nec Grajorum lingua omnino negligenda est. Adhi-  
 beatur Evangelista cum versione ad verbum expressa. Quem interpre-  
 tando

tando postquam aliquis lingua usus venit, regularia nominum verborumque schemata ediscenda sunt. Tum legendo libri memorialis ope ad difficiliora sensim progredi licet.

§. 22. Porro ut discipulus vel solus vel comitante praeceptore Academias & dissitas a patria oras prudenter & sine periculo frequentare queat, multum faciet, si ante abitum ex patria a peritissimo hujus scientiae magistro dissidentium notabilissimi in re divina errores duce codice sacro refutantur; & praeunte Grotio, Dittono, Clerico, Sackiove profanorum deliramenta deteguntur & exploduntur; atque denique secundum praecepta libelli, cuius titulus est: *Regeln einer vernünftigen Aufführung für einen jungen Menschen*, quem in Sulzeri *Versuche der Erziehung* offendit, hominum praejudicia, fraude, mores perspecta reduntur. Huic libello si quid deest, comediarum supplebit lectio. Denique in hujus stadii fine Omeisii oratoria (omittit autem ignobiliorum troporum & schematum tricas) explicari meretur. Tum ad pinguiorem hujus excellentissimae disciplinæ tractationem, quam Rollinus suppeditat, discipulum ablega, seu potius in ea legenda & in usum suum convertenda sis ei dux, auctor & adjutor.

### CAPUT III.

Prima Syntaxeos discipulo, qui ex usu loqui & auctores intelligere didicit, accommodatæ delineatio.

§. 23.

**Q**uicquid totam vel corporis vel spiritus naturam habet, *substantiam* voca. Nomen certæ & unius *substantia proprium* est, commune autem nomen multarum, *appellativum*.

Omnis oratio enuntiationibus constat. Enuntiatio vero de aliqua re A, seu de *subjecto*, aliam B, seu *attributum*, vel affirmat vel negat.

Quicquid in substantiis deprehendimus, *accidens* dicitur.

Finge multas voces, animalium instar sexu diversas esse, alias neutrum, alias *commune*, alias *omne genus* habere. Sic quinque vocum genera sunt.

Nomen vel attributum loquentis in *prima*; ejus, cui loqueris, in *secunda*; aliis rei in *tertia persona* esse dicitur.

Nomina & attributa pluribus communia vel de hujus generis uno in numero *singulari*, vel de pluribus in *plurali* dicuntur.

Tempora mutantur & res mutantur in ipsis. Tempus vero vel *præsens* est; vel aliquo respectu præteritum, alio *præsens*, seu *imperfectum*; vel *perfectum*; vel præteritum ante præteritum seu *plus quam perfectum*, vel denique *futurum*.

**REGULA 1.** In oratione tua distinctam numeri, personæ & temporis rationem habe.

1. Sunt voces necessitate & veterum usu vel in singulari duntaxat, vel in plurali tantum usurpandæ.
2. Unus multorum cumulus seu collectivum sæpe pro plurali habetur.
3. Secunda singularis & prima pluralis immo interdum omnes, tum singularis, tum pluralis personæ, sensu vago vel unum vel plures quosdam significant. e. c. dices fortasse.
4. *Præsens* & *Infinitivus* sæpe præteriti & futuri vim haber.

**REGULA 2.** In compendiosa oratione omissas per ellipsin voces mente substitue.

Nomina substantiarum, eaque accidentium, quæ subjectum orationis esse possunt, *substantiva* vocantur.

1. Possunt autem illa, quæ jungi possunt questioni: quid est? e. c. Quid est aurum? quid est similitudo?
2. Signa substantivorum sunt insuper 1) certum & determinatum genus. 2) quod vel substantias significant, vel accidentia sine ullo eorum, quibus insunt, substantiarum respectu.

*Nomina adjectiva* sunt voces, sine temporis indicio substantivorum accidentia significantes, iisque vel expressis vel suppressis semper adjungendæ.

Signa igitur sunt, 1) respectus ad substantivum, 2) mutabile genus, vel in una, vel duabus, vel tribus terminationibus.

§. 24. Omnis enuntiationis scopus est, ut attributum subjecto vel tribuatur, vel inesse negetur. Interdum autem sit, ut attributum cuiam rei ita tribuamus vel negemus, ut primarius orationis scopus non sit, id vel tribuere vel negare. E. c. *Bonus* præceptor discipulum amat. Pater *scribens* me loqui non patitur.

Signum, quo, quod sit primarium subjecti in enuntiatione attributum, indicatur, *copulam* dico.

*Verbum* est vox, quæ attributum primarium cum temporis significacione subjecto ita attribuit vel abnegat, ut perfecta, non manca, non pendens, enuntiatio sit. In verbo igitur copula est. Sæpe

Sæpe fit, ut orationis nexus nomini præter insitam significationem, aliam etiam adsignificationem addat. E. c. Natura sua vox *Paternihil* aliud, quam virum, qui genuit, significat. Sed in hac enuntiatione: Patrem vocavi, vox *Pairem* significat simul, in hac actione non patrem in me; sed me in patre vocando occupatum fuisse.

*Causa* nominis est ejus terminatio, aliquam ejus adsignificationem significans. Casus nominum 6. sunt, tam in singulari, quam plurali. E. g. Nominativus &c. Diverlæ, casus mutata nominis terminatione formandi, rationes, seu *declinationes* sunt quinque.

Igitur in omni nomine seu substantivo seu adjectivo observanda sunt 1) numerus, 2) genus, 3) declinatio casuum.

§. 25. Multa adjectiva talia attributa significant, quæ diversis subjectis diverso gradu inesse possunt. Ejusmodi adjectivum simpliciter possum in *gradu positivo*; quando huic majori in gradu quam alteri tribuitur, in *comparativo*; quando rei alicui vel in comparatione, vel absolute in summo gradu tribuitur, in *superlativo gradu* esse dicitur.

1. Comparativus in duorum comparatione semper necessarius est. Quando plures comparas; & comparativus & superlativus locum habet.
2. Comparativus absolute positus gradum justo majorem, superlativus vero solito majorem significat.
3. Dubitans, an comparativus vel superlativus veterum auctoritate gaudeat, illum adjecto *magis*, hunc adjecto *maxime* formato.

Nominum vel incognitorum, vel repetitu hand necessariorum, atque rerum in enuntiatione seu oratione tota dictarum loco adhibentur *pronomina*, & iisdem de causis, quibus adjectiva genere, numero & casu mutabilia sunt.

§. 26. Verba varia sunt; alia subjecto nudam existentiam vel ejus continuationem tribuunt, quæ *verba substantiva* vocabis, e. c. sum, fio, existo, evado, maneo, nascor; alia subjecto tribuunt actionem transeuntem, quæ *activa vel transitiva* appellantur e. c. verbero, scribo; alia subjecto tribuunt eum statum, quo aliqua res proposita & objecta alterius actioni est, quæ *passiva* dicuntur; e. c. verberor, pellor; alia denique subjecto nec actionem transeuntem, nec statum objecti, sed aliam quandam proprietatem vel alium statum tribuunt, hæc verba *natura* sunt, e. c. albeo, fluo.

Substantiva, activa & neutra, in o, passiva in or desinunt.

1. Sunt verba non passiva in or, quæ *deponentia* dicitur. e. c. *venor*
2. *Vapulo* & *veneo* sunt passiva in o.
3. *Neutropassiva* in præsenti o habent, perfectum vero ut passiva formant, e. c. *gaudeo*.

Infinitivi, gerundia, supina & participia nomina sunt, a verbis formata, & temporis significationem, non vero copulandi vim habentia. Omne verbum, nisi defectivum sit, per quinque tempora, in singulis temporibus per ambos numeros, in singulis numeris per tres personas, in singulis personis duobus modis, indicativo scilicet & conjunctivo declinatur, seu, ut vocant, conjugatur. Rationes autem verbum conjugandi, seu *conjugationes* regulares quatuor sunt, nonnullæ aliæ irregulares. Imperio enuntiando *modus imperativus* inservit.

- 1) Signa verborum igitur sunt 1) vis copulæ 2) quod conjugari possunt.
- 2) Sunt verba vel absolute vel in certo significatu non nisi in tertia persona singularis flexibilia, quæ *impersonalium* nomen habent.
- 3) Conjunctivus modus sequentes ob caussas adhibetur.
  - a) ob conjunctiones conjunctivum regentes. e. c. ut breviter dicam.
  - b) quando subjecto attributum verbi conceditur, imperatur, vel non nisi voto & petitione tribuitur.
  - c) quando conditione aliqua tribuitur, & ea quidem, quæ vel incerta, vel non est. e. c. si valerem, venitem.
  - d) quando enuntiatio singulari contemplationi, attentionique commendatur, in primis post particulas & relativum, qui, quæ, quod. e. c. quam acerbum est, pro beneficiis si mali messem metas. Vos, qui mali *sitis*, potestis bona dare.
  - e) si attributum illustrationis caussa fingitur. e. c. hic dubitet aliquis; quasi *esses* regno natus.
  - f) si verba vel opinio alterius non recitative, ut dixit ille, sed sed relative seu historice proferuntur; omnes enuntiationes, per pronomen relativum vel conjunctiones connexæ, in conjunctivo ponuntur. e. c. Cogitat impius, Deum, qui misericors *fit*, hæc parvi facere.
  - g) quando quæstio oblique seu relative enuntiatur, ut quæstio pars

pars alius enuntiationis sit; e. c. dubito, an *venerie* pater.

- 4) Imperativus s<sup>e</sup>pe etiam optat, orat, concedit. Posterior imperativus legislatorius est.
- 5) Imperativus & conjunctivus, quando vetat, & cum negatione precatur & optat, nunquam particulam *non* sed *ne* sibi præponit. e. c. ne furator, ne facias.

Vetba declinaturus sciat ex aurium judicio præfens, præteritum, supinum & infinitivum. In præteritis & supinis quoniam frequens Anomalia est, in hæsitatione Lexicon adeat. Idem faciat dubitans, sine activum, an deponens.

**§. 27.** Quæcunque voces latinæ nec nomina (ad quæ pronomina & participia etiam pertinent) nec verba sunt; illæ inflexibles manent & *particulae* dicuntur. *Adverbium* verbis & adjectivis servit, *Præpositio* separata substantivis; *Conjunctio* toti enuntiationi, ex pluribus unam faciens; vel ejusdem speciei partes orationis conjungens; vel denique periodum periodo superiori connectens. *Interjectio* ellipticum affectus animi indicium est. Sunt igitur tres partes orationis, Nomen, Verbum, Particula.

1. Multa adverbia ex adjectivis in us, a, um, mutata terminatione in E; atque ex adjectivis in is & e, mutata terminatione in ter formari possunt. Neutrum comparativi idem adverbium est.
2. Præpositiones sequens, cuius explicant relationem, substantivum in accusativo vel ablativo sibi jungunt. Uter casus ab illis regatur, commodissime repertus, si cum uno ex his tritissimis substantivis, *pater*, *locus*, *tempus*, *res*; conjunxeris. Nec tum aurium judicio certior redditus tabulam consule. *In* & *sub* accusativum regunt, quando de re vel loco futuro mentio est; ablativum, quando de re præsenti & præterita. *Supra* & *supter* utrumque casum promiscue admittunt.
3. Conjunctiones, enim, autem, vero, quidem, quoque, nunquam post punctum vel incisum ponuntur, nisi alia vocula eas præeat. Que, ve, ne, ceu appendices aliis vocibus adhaerent.
4. Interjectionibus ut recte utaris, voces ellipsi omissas mente substitue.

**§. 28. REGULA 3.** Varia ejusdem subjecti nomina in eadem

dem enuntiationis parte posita, quantum potest, genere ac numero, certe casu, consonare debent.

- 1) Subjectum hic dicitur quævis res, cui nomen tribuitur.
- 2) Enuntiationis partes sunt e. c. subjectum, objectum, persona relata, explicatio substantivi, per substantivum &c. de quibus postea.
- 3) Si in eadem enuntiationis parte non sunt, nec casu congruunt, e. c. ego nunc mibi vaco.
- 4) Igitur adjectiva, pronomina & participia substantivis suis vel expressis vel subintellectis in omnibus conformanda sunt.

Adiectivum, pronomen & participium plura substantiva explicans in plurali ponitur. Si ejusdem quidem generis substantiva sunt, in eodem iis conformatur; si variis generibus substantiva dissentient, de vivis rebus loquens masculinum præ fœminino, fœminum præ neutrō observato; si de inanimatis, genus neutrum ponito. Sæpe vero adiectivum substantivo proxime sibi apposito genere & numero conformatum deprehendes.

- 5) Eandem ob causam conformantur sibi invicem, quantum potest, duo vel plura substantiva ejusdem subjecti nomina, quæ constructio *appositio* dicitur. e. c. *Philosophiam veritatis indagatricem* voco. Scribo tibi, *deliciis meis. Filia, gaudium meum* scripsit.
- 6) Attributa verborum substantivorum cum subjectis convenient, licet non eadem enuntiationis parte constituta.
- 7) Idem etiam subjectum habere ea creduntur nomina, quæ voluntate, opinione, sermone hominum, eventu denique idem subjectum habent. e. c. *Cæsar* creator *consul. Aristidem* dico *justum, me indignum* arbitror.

**REGULA 4.** Nomen subjecti enuntiationis respondet quæstioni quis? quæ? quid? qui? quæ? quæ? & ipsum quidem in nominativo est; verbum vero numero, persona & si potest, genere etiam sibi accommodat.

- 1) Quando plura subjecta sunt, idem fit ac in adiectivis, personarum primæ, præ secunda; hujus, præ tertia, ratio habetur.
- 2) *Verba substantiva* aliaeque, quæ separatum a se enuntiationis attributum habent, sæpe attributi genus & numerum sequuntur. e. c. caro bubula meæ deliciæ sunt.
- 3) Sub-

- 3) Subjectum plerumque substantivum, pronomene vel expressum vel subintellectum est, nonnunquam infinitivus; & argumentum totius enuntiationis & periodi; denique vox quæque materialiter, quatenus syllabis & literis constat, usurpata:
- 4) Subjecta ego, tu, nos, vos & subjecta tertiae in prioribus jam appellata, nisi emphasis vel perspicuitas aliud imperet, semper supprimuntur.
- 5) *Impersonalium* subjecta non nisi tertiae personæ sunt, videlicet vel infinitivus, vel enuntiatio conjuncta; vel neutra, hoc. illud, id &c.
- a) *Pœnitet, piget, pudet, tædet, miseret, miseretur, misereſcit* verba activa sunt, quorum subjectum est, id, hoc, illud &c. vel infinitivus, vel suppressum substantivum, memoria, consideratio, contemplatio. Itaque hominem affectu turbatum in accusativo, causam, quæ considerarur, si substantivum est, ellipſeos ergo, in genitivo volunt. e. c. Fratris (contemplatio) me miseret.
- b) *Decet, dedecet, decent, dedecent* verba activa sunt, in persona tertia tantum, post subjectum tertiae usurpanda. Infinitivi vero & enuntiationes integræ, sunt tertiae subjecta. Ergo hic quoque locum habent. *Oportet*, non nisi enuntiationem obliquam vel per ut conjunctam subjecti loco admittit.
- c) *Interest & refert* subjecti loco habent, *tantum quantum &c.* aut suppressum *aliquid*. Genitivum personæ sibi conjungunt ob ellipsis *ad commoda*. Igitur (ad) patris (commoda) multum interest, refert. Sic etiam (ad) mea, tua, sua, nostra, vestra, cuja (commoda) interest, refert. Genitivos & ablativos magni, tanti, magno, tanto explica ita: (*aliquid*) magni (pretii) magno (pretio) (ad) patris (commoda) interest, refert.
- d) *Impersonalia tempeſtatem indicantia*, pluit, ningit pro subiecto habent, cœlum, tempeſtas, Jova.
- e) *Juvat, deleſtat, præterit, fugit, fallit, lateſ certo ſenu* impersonalia activa sunt, semper tertiae personæ vel in singulari vel plurali subjectum habentia. Tertiae personæ subjecta infinitivi quoque, enuntiationes obliquæ & conjunctæ suntr. Quare & hic admittuntur.

D

f) Acci-

- f) Accidit, contingit, expedit, convenit, evenit, constat, conductit, placet, displicet, prodest, libet, lubet, collibet, adlubescit, licet, liquet, præstat, sufficit, vacat certo sensu impersonalia neurra utriusque numeri sunt. Subjectum ut supra. Persona, cuius ratio habetur, in Dativo.
- g) Ex omnibus verbis activis transitivis & intransitivis sunt impersonalia, quæ sine perspicuo subjecti respectu actionem aliquam nunc fieri indicant. e. c. itur, scribitur.

**R E G U L A 5.** Nomina ejus personæ vel rei, quam vel revera vel fictione & figurate alloquimur, in Vocativo enuntiantur.

Vocativus, attentionis, blanditionis, indignationis, ludibrii causa in principio, media oratione, & fine ponitur.

**§. 29. R E G U L A 6. A.** Genitivus respondet quæstioni? cuius? quorum? quarum? ejusdemque præcipuum officium est, substantivum, quod in alio substantivo diversi subjecti explicando, adjectivi loco est, indicare.

1) Adjectivum substantivi qualitatem, statum, relationem explicat. Idem quando facit substantivum; genitivo opus est. e. c. faber murorum (murarius), tempus anni (annuum), equus fratri (fraternus.)

2) Substantivum genitivo explicandum sæpe supprimitur.

a) *copia*, penes adjectiva copiæ & inopiam & verba: egeo, indigo. Ergo, inops sum pecuniæ (copia), fundus tritici (copia), fertilis, non egeo amicorum (copia).

b) *officium, signum, emolumentum, mos.* Ergo parentum est (officium) liberos educare. oculi loquaces impudiciæ (signum) sunt. Ergo quoque meum, tuum, suum, nostrum, vestrum (sc. officium vel emolumentum) est.

c) *crimen*, penes adjectiva & verba juridicia. Ergo: accusor majestatis (de criminis)? convincor mendacii, capit is absolvō.

d) *res pretii* post verba aestimandi. Ergo te tanti (pretii rem) aestimo, duco, facio, puto.

**B. Genitivus præponitur his tanquam postpositionibus genitivum**

nitivum regentibus, causa, gratia, ergo, instar, quæ proprietas substantiva sunt.

Igitur mea, tua, sua, nostra, vestra causa, gratia, sed mei, tui, sui, nostri, vestri instar, ergo.

C. Qualitas, attributum & status alicujus substantivi quando per aliud diversi subjecti substantivum, cui insuper adjetivum adhæret, indicanda sunt; tum qualitas, attributum, status in genitivo vel ablativo edifferuntur. Ergo puer bonæ spei, homo oculis pætis.

D. In Genitivo ponuntur nomina totorum (si substantiva sunt), explicandarum partium caussa orationi inserta. Ergo sex milites cohortis prætorianæ. Fratrum natu major, hominum nequissimus es, pecuniæ dedi satis, abunde, affatim, parum. partim Gallorum occisi sunt, nusquam terrarum hominem invenio, ubi gentium? hic locorum, eo audaciæ progressus est. nonnulli Anglorum perierunt. Hæc tota nonnunquam præpositionum ex, de, inter, ope enuntiantur.

E. In Genitivo ponuntur objecta actionum mentis, si actiones adjetivis exprimuntur, & objecta omnium actionum per adjetiva in ax & ns expressarum. Ergo: anxius, memor, negligens, timidus futuri sum. Alexander propositi tenax & patiens vigiliarum erat.

F. Multa adjetiva neutra degenerant in substantiva, ac tum substantivis sibi junctis, quibus alioquin in genere & numero suo parere deberent, genitivum imperant. Ergo: permultum pecuniæ accepi. Aliiquid spei mihi est.

1) Sæpe duo adjetiva neutra ceu duo substantiva concurrunt. Ergo: Aliiquid boni. Sed tertiae declinationis adjetiva in genitivo suo substantiva esse non possunt. Ergo ne dic: aliquid tristis, sed triste.

2) Adjetiva ejusmodi neutra plerumque tantum in nominativo & accusativo, non autem reliquis casibus, substantivorum naturam induunt. multum audacia habet, recte dicis; non autem: multi audacia

*audacie accusatur. recte, nimium pecunia, male, nimio pecunia  
insolescit.*

- §. 30. REGULA 7. A. Dativus respondet quæstioni: cui? quibus? ejusdemque præcipuum officium est, personam & rem, cui aliquid acquiritur & adimitur, indicare. Ergo, do tibi librum.
- B. Dativus indicat personam & rem, cuius utilitatis voluptatis, similitudinis, propinquitatis ratio habetur. Ergo æqualis tibi sum, Ludovicus Alexandro comparatur. Hoc placet patri.
- 1) Similis & dissimilis & amicus etiam cum genitivo; proprius & proximus etiam cum accusativo copulantur.
  - 2) Personam, cuius ratio habetur, post verba parco, benedico, studeo, medeor, persuadeo, nubo, invideo, in dativo poni, eo notabilius est, quod nostratis alia constructio placuit.
  - 3) Verba & adjectiva benevolentiam, imperium, obsequium, auxilium significantia personam, cuius ratio habetur, in dativo volunt.
- Sed accusativum poscunt amo, diligo, odi, exosus, perosus, juvo, imitot, sequor. Studiosus genitivum.
- C. Dativus pro præpositione *ad* ponitur post adjectiva promptitudinem & aptitudinem significantia.
- D. Dativus pro multis præpositionibus adhibetur, quæ in verbis compositis jam expressæ sunt. Ergo, ceræ figuram impressi, pro, in ceram. consentio tibi, pro, te cum.
- E. Dativus possessorem indicat, quando res possessa ceu subjectum cum verbo *sum* construitur. Est mihi soror domi.
- F. Quando verba sum, fio, venio, do, duco, mitto, tribuo, verto alicujus commodum honorem & contraria in re quadam versari indicant; tam persona, cuius habetur ratio, quam nomen commodi, damique in dativo ponuntur. e. c. Hoc negotium fratri erat oneri.

§. 31. REGULA 8. A. Accusativus respondet quæstioni: quem? quam? quid? quos quas? quæ? ejusque est, post transitiva objectum actionis indicare.

- 1) Objectum est a) post verba animi actionem indicantia, id, in quo occupatur animus. *Timeo Deum.* b) post verba confectionem significantia, id, quod antea non fuit, & actione fit. *Adficavit dominum.* c) post verba mutationem significantia, id, quod formam perdidit. *Cur discedisti epistolam?*
- 2) Verbis passivis objectum in nominativo seu subjectum adhæret. Hinc facilis activæ in passivam enuntiationem permutatio. Neutra passivo carent. Ergo si eo opus est, impersonaliter formant, manente casu, *gaudetur victoriis, ignoscetur tibi.*
- 3) Verba utor, fruor, fungor, potior, vescor, objectum casus ablativi habent.
- 4) Verba docendi, monendi, orandi, interrogandi Sæpe duplex objectum rei & personæ habere videntur. Verius alter accusativus a suppressa præpositione regitur. E. c. Doceo te (ad v. per) Musicam.

B. Mensura temporis & spatii, ceteris paribus, in accusativo & ablativo ponuntur. Sæpius in accusativo. Tabula 6. cubitos longa.

C. Accusativus a multis præpositionibus regitur, quæ sæpe supprimuntur. Trajecit Carolus Albim.

D. Accusativus, loco subjecti, cum infinitivo, loco verbi, enuntiatio obliqua mihi dicitur, quæ vices conjunctæ enuntiationis per *ut, quin, quod* tenere solet.

REGULA 9. Dantur multa verba, quæ tum eodem tum diverso significatu varie construuntur, hæc lectionis frequentia dabit cognita.

§. 32. REGULA 10. A. Ablativus respondet quæstionibus: quo instrumento? quo modo? qua ratione? qua de causa? ex qua materia? quo remedio? quo subsidio? qua parte? quo respectu? ejusque est omne caussarum genus, ceteris paribus, indicare.

*da dum* mutantur, objecto & participio in casum gerundii mutatis.  
 5) Participia s<sup>e</sup>pe resolvi possunt

- a) in gerundia cum casu verb*i*.
- b) in enuntiationes incidentes, quarum subjectum *qui qua quod est*, attributum vero, illud verbum, cuius participium vides.
- c) in enuntiationes connexas per particulas *cum, si, quando, postquam, et si*. Hic discreta temporis ratio habenda. Deinde quando enuntiationem connexam tollere & in participium mutare vis, considerato, utrum enuntiationis tollendae subjectum in ea enuntiatione, cui connexa est, iterum occurrat, nec ne. Si non; subjectum tollendae cum participio congruente in ablativo ponitur. Si occurrit, tollendae subjectum perit, participio in eo numero, genere & casu posito, in quo sublatum subjectum in manente enuntiatione reperitur. Duo tales ablativi vocantur absoluti, quorum alteruter nonnunquam subauditur.

d) In enuntiationes connexas per &: *Cajum hortatus persuasi*  
 6) Qui participiis eleganter utivult, s<sup>e</sup>pe prius mutet enuntiationem activam in passivam & contra.

**§. 33. REGULA 15.** Quando enuntiatio objectum affectus in alia enuntiatione commemorati est; conjungitur per *quod* vel constructionem obliquam, mutato subjecto in accusativum, verbo in ejusdem temporis infinitivum.

1) Objectum timoris, si negans enuntiatio est, per *ut* vel *ne non*; si affirmans, per *ne* vel *ut non* conjungitur.

**REGULA 16.** Quando enuntiatio objectum sensuum, intelligentiarum, orationis & scriptio*nis* est; conjungitur constructione obliqua.

**REGULA 17** Quando enuntiatio conjungenda objectum voluntatis, gradum attributi, rationem agendi, causam finalem, effectum explicat, vel id indicat, cui in alia enuntiatione existentia, necessitas, aequitas, bonitas aliaque accidentia moralia tribuuntur, conjungitur per *ut*.

1) Ejus

- 1) *efficientem*, cum & sine præpositione *a, ab*. Illud plerumque, si vivit causa efficiens; hoc, si inanimata est. *Dolore permotus est, a patre permotus est.* Eadem causa nonnunquam per præp. per indicatur. *per filii scelus expravit.*
- 2) *adjutricem*, ut remedium, instrumentum, subsidium. Sed cave præp. *cum* adhibeas. Causa ministerialis sæpe præpositionem *per* habet.
- 3) *materialem* per præp. *ex & de.* Materia implens, onerans, sæpius sine præp.; materia deficiens & abundans, cum & sine præpp.
- 4) *Causam sine qua non* ut partem, conditionem, modum agendi sine præpp.
- 5) *Impulsivam* sine præpp. & cum præpp. *ex, præ, pro.*
- B. Phrases ab epistolis, a pedibus, a janua esse significant ministrum hæc ad negotia esse.
- C. Ablativus ante vel post comparativum ellipsis particularum *quam, ac* ostendit, atque alterum comparatum exhibet.
- D. Pretium, ceteris paribus, in Ablativo ponitur, item præmium meritorum post dignus, indignus, dignor.
- E. Ablativus multis præpositionibus postponitur, ipsæ sæpe supprimuntur. Consulatu movendus es. excedo patria.
- F. Tempus, quo, quando aliquid factum sit, vel faciendum, dicitur, tum, quando præpositiones non adhibentur, in ablativo est.
- G. Ablativi duo alter participi, alter nominis, quorum alteruter sæpe supprimitur, enuntiationem per *postquam cum, si, quando, etsi* connexam significant, & ablativi absoluti vel consequentiæ audiunt.
- S. 33. REG. II. Omnia numeralia (exceptis adverbii, semel bis, ter, et plurali millia, (quod substantivi naturam habet) adjectiva & partim indeclinabilia sunt.
- REGULA 12. Ex pronominum genere & numero pateat oportet, quorum nominum loco ponantur.

I) *Suus,*

- 1) *Suus, a, um, sui, fibi, se* tum adhibenda, quando alioquin repetendum esset enuntiationis subjectum, aut nomen ejus, cujus sententia & verba referuntur. Alioquin *ille, iste, ipse, hic* tertiae personæ pronomina sunt.
- 2) Genitivi *mei, cui, sui, nostri, vestri* objecta affectuum & actionum demonstrant.
- 3) Relativum qui, quæ, quod in patriam linguam si convertere vis sâpe ejus loco finge esse 1) is, ille; hic 2) nam hic, ille, is. 3) & hic, ille, is. 4) ut hic, ille, is. 5) ita seu talis, ut hic, ille, is. 6) cum hic, ille, is. 7) ego, tu nos, vos, 8) rejice substantivum ex enuntiatione incidente ad primariam e. c. quas literas scripsisti, gratæ sunt, verte: literæ, quas scripsisti, gratæ sunt.

**REGULA 13.** Nomina urbium propria præpositiones respuunt, casu, qui ab subintellecta præpositione regitur, manente.

- 1) Nomina urbium in um & a singularia, quando locum præsentem notant, ponuntur in Genitivo.
- 2) Domus, rus, humus perinde ac urbium nomina præpositiones respuunt. Item *militia*, pro in *militia, belli*, pro in *bello*.

**§. 34. REGULA 14.** Nomina a verbis formata scilicet, infinitivi, gerundia, supina & participia casum verborum suorum regunt.

- 1) Nominat. Gerundii absolute ponitur cum verbo *est* & utilitatem necessitatemve actionis significat. Genitivus nusquam ponitur, quin præcedat vox genitivum regens. Idem de Dativo gerundii valet. Accusativus non nisi post præpositiones ponitur. Ablativus gerundii cum & sine præpp.
- 2) Accusativus supini, pro accusativo gerundii cum præpositione *ad*, tum usurpatur, quando actio eo verbo significata, motus alicujus scopus & finis est.
- 3) Supinum U adhibetur 1) ad significandam actionem, a qua redditur, peractam 2) ad significandam conditionem, qua aliquid bonum, necesse, utile facile &c. est.
- 4) Gerundia verborum transitiorum eleganter in participia in *dus*,

1. Ejus loco objecta voluntatis etiam constructione obliqua gaudent.
2. Objectum voluntatis recusantis, & effectus impeditus conjunguntur per particulam *quo minus*.

**REGULA 18.** *Quin ponitur* 1) *pro quod apud objecta dubii negati*; 2) *pro ut post causam duplici negatione affirmatam*, 3) *pro ut non post aliquas negationes*.

Hæc regula admodum difficilis est. Exemplorum explicatio plus efficiet.

**REGULA 19.** Ut, ne, quo (pro ut) quin, quod, nec non conjunctiones concessivæ, quamvis, licet, ut; item omnes particulæ compositæ ex vis & libet, denique cum (de tempore) si imperfecto & plusquam perfecto conjunguntur, coniunctivum regunt.

§. 36. **REGULA 20.** Pares negationes affirmant: imparés negant.

- 1) Negatio ante affirmationem particularem negat universaliter, post affirmationem particularem negat particulariter.
- 2) Negatio ante affirmationem universalem, particulariter; post affirmationem universalem, universaliter negat.
- 3) Negatio ante negationem universalem particulariter affirmat; post negationem universalem universaliter affirmat. Exempla docent melius.

**REGULA 21.** Constructionem nonnunquam sensui potius quam verbis accommodare memineris. 6. millia occisi.

Frequens ellipsis est sequentium 1) verborum, sum, dico, opto, hortor, concedo. 2) homo, mas, fœmina, piscis, avis, insectum 3) mons, mare, amnis, flumen, locus, via, pars, 4) tempus, dies, hora, mensis 5) panis, aqua, vinum, lac, caro &c.

§. 37. **REGULA 22.** Qui bene distinguit, bene intelligitur.

- 1) Punctum finit periodum absolutum.
- 2) Colon distinguit periodi appendicem, maioresque periodos dividit.
- 3) Semicolon opponenda fecit; minores periodos & majora cola dividit.
- 4) Comma tollit ambiguitatem; incidentes enuntiationes includit; partes orationis similes coagmentatas dividit.

## REGULA 23. Ordo Constructionis hic esto.

- 1) Vocativus cum comitatu.
- 2) Particulæ ad enuntiationem totam pertinentes, vel ablativi consequentiæ, vel qui, quæ, quod, quantus, qualis, aliæque voces, quarum omnes casus in utraque lingua principium enuntiationis amant.
- 3) Nominativus cum comitatu adjectivi, genitivi, enuntiationis incidentis.
- 4) Verbum cum comitatu adverbiorum, & præpositionum cum casu & omnibus vocalis & ablativis, quorum significatio ex verbo patet.
- 5) Persona vel res in Dativo, qui a verbo regitur.
- 6) Obiectum verbi transitivi.
- 7) Voces ablativi casus adhuc omissæ.
- 8) Præpositiones cum casibus nondum tractatæ.

## CAPUT IV.

## Varia ad explicationem defensionemque pertinentia.

§. 38.

**H**ic necesse est, ut dicam, ejusmodi Syntaxin, nisi a magistris Dialectices & Grammatices & que peritis, adhiberi non posse, nec nisi in iis, qui ex usu linguam callent, discipulis. Tum vero hæc tractandi ratio sequenda esset. Explicatis generatim partium orationis causis, præmittendæ sunt, ac frequenter legendo menti infigendæ, necessariæ Etymologiæ partes, declinationes puta, conjugationes, reliqua. Simul a præceptore colligendus, ex auctoribus est exemplorum libellus, in quo & sapienter a veteribus dicta & eleganter narrata multa exhiberentur; non autem mutilæ, ut vulgo fit, auctorum enuntiationes. Exempla hæc eo ordine disposita & scripta sint, qui in Syntaxi obtinet, eademque, nondum regulæ mentione facta, legendo & explicando vel memoriæ vel minimum, phantasæ pueri infigenda sunt. Quo pacto ubi primæ Syntaxeos regulæ subiecta exempla puer familiaria habet, tum interpretanda ipsa erit regula, iisdemque exemplis illustranda. Ita pedetentim ad alias progrediamur regulas. Nam exempla regulis priora esse debent, quippe quæ regularum causæ sint. Quo pacto discipulus & libentius regulam audiet, & facilius ejus vim sentiet, ejusque præcepta stilo suo exsequetur. Hæc de hujus Syntaxeos usu, quam ipse doctorum vitorum

ad-

adjutus judiciis & correctionibus aliquando emendatiorem & perfectiorum dabo. Operæ enim profecto pretium est. Etenim, qui unius linguae Syntaxin hac ratione, ut ex sententiarum non ex verborum diversitate judicet, animo comprehendit, omnium, quotquot sunt, linguarum Syntaxin fallicamente vel suo marte dijudicabit.

§. 39. Sed ad totum methodi meæ ambitum revertor. Sedulo igitur considerent aliter sentientes, priusquam salutaria sed inusitata consilia sublato supercilio spernant, sedulo inquam considerent, quæ nunc brevissime proponam. Lingua igitur latina non aliter comparata est, ac aliæ linguae. Fieri igitur per se potest, ut quis sola loquendi & scribendi consuetudine eo elegantiæ, copiæ & puritatis perducatur, quo perveniant nostrates in patria lingua lectionis & auditionis beneficio, vel sine Grammatices, librique memorialis subsidio. Sunt equidem fateor multæ recentioris inventionis argumenta, quæ sine ambagibus pure latine exprimi non possunt. Quorum vero si unum alterumve in sermones quotidianos incidit, his ambagibus uti non absurdum erit. Si autem ex instituto de toto talium rerum genere loquendum esset, scilicet de re nostra coquinaria, vestiaria &c., tum quidem vernaculae loqui suaserim, id quod methodum, latine ex usu discendi, minime tollit. Porro multo facilius est, si hominem extraneum adeo ad summam germanicæ castitatem, puritatem & elegantiam instituere velles, eidem primo consuetudine loquendi, legendi & scribendi eam, qua nostrates illiterati gaudent, facultatem & puritatem comparare, & tum exercitiis grammaticis & Criticis, quicquid hæsit barbarismorum & solcæsimorum, expurgare; quam si vocabula & regulas ante linguae usum ediscendas traderes, & tam parum germanice legeres, ac vulgo latine in scholis legitur; loquendo vero, ut in scholis latinis fit, proflus abstineres. Quare cum latina a patria lingua reliquisque naturæ suæ ratione non differat, methodus legendi, loquendi, scribendi, postea vero grammaticam & critiæ docendi per se promptior, melior, facilius & expeditior est, quam ea, quæ vulgo publice & privatim exercetur. Hæcque differentia tanta est, ut minimum in ratione quadrupla naturalis illa methodus artificiosam ac vulgo tritam supereret. Nec sententia nostra nos depellere debet tot seculorum torque maximorum virorum auctoritas, qui contrarium tenent. Quis enim nescit, ita comparatum esse genus humanum, ut vel absur-

dissimi errores per longam temporis seriem ad posteros possint propagari.  
Quid stultius? quid pontificiorum superstitione nocentius? At quot seculorum auctoritas pro illa facit?

§. 40. Sed ubi sunt magistri, qui tam bene latine loquuntur, quam nostratum honestiores quique, quamvis illiterati, germanice? Sunt, inquam, nonnusquam. Ad minimum possunt esse omnes, qui operam & diligentiam in hoc studiorum genere ex animo collocare volunt. Maxima vero hæc difficultas est, quod talis præceptor fere non habeat alios, quibuscum colloquendo suam linguæ facultatem promptiore, copiosiore & elegantiore reddere queat, quod incommodum cestaret, si latinaræ linguæ usus ut olim, inter doctas magis obtineret, atque in doctorum celebritate quotidie versaretur præceptor. At dicas, quis laudet morem in monasteriis inque Polonia & Hungaria receptum, ubi pueri barbariem solam, non latinitatem discunt? Respondeo, nemo sanus hoc laudaverit. Sed homini latinitatis studio non necesse esse credo, tam barbare loqui, ut loquuntur illi; nec oportere, ut apud nos probatae auctoritatis auctorum lectio negligatur, ut apud illos; nec me velle, ut grammaticorum criticorumque ars patvi habeatur, ut apud illos. Quot e contrario vidimus Jesuitas, qui coniuncto linguæ latinæ usu cum grammatica & Critica arte, ad magnam eloquentiæ Romanæ laudem pervenire? At non datur præceptor, cuius sermo domesticus non multis barbarismis & solecismis scateat. Nonnullis fateor. Sed omnis puerorum magister eo puritatis pervenire potest, ut rectius & purius loquatur, quam scripta sunt complura Philosophia, Rhetorices, Historiæ, Theologiæ, Jurisprudentiæ compendia, & in prælectionibus suis declamant plurimi harum disciplinarum doctores. Igitur, qui negat, confabulandum esse cum tali magistro, neget eo magis, legenda esse dicta compendia, & audiendos ejusmodi doctores. Sed neutrum negat, qui fatetur, copiam linguæ ex sermone & lectione vel non perfectæ puritatis librorum hauriri posse; castitatem vero & puritatem non nisi arte critica parari, tum instituenda, cum homo bonas malasque phrases æque novit, & tum distinguere distinet. Sed copia prius & potius opus est, quam puritate & castitate. Puritas vero & castitas, ut dixi, ex Grammatica & arte critica petitur. Enimvero grammatices & artis critica studia eo succedunt citius & felicius, quo discipulus prius

&amp;

& maiores in copia linguae progressus fecit. Jam vero quis neget, copiam prius acquiri illi discipulo, qui quotidie loquitur, multas disciplinas in hac lingua explicatas audivit, multa legit, multa ex usu scripsit, quam qui aliquot annis in vocabulario ediscendo & paucis auctorum periodis misere vertendis, exercitiis denique ex vocabulario & phraseologia corrasis desudavit. Quare sole clarius est, discipulum hac naturali methodo institutum vel ad exactissimam, purissimam, castissimam, elegantissimam Romanæ linguae facultatem longe citius, certius & facilius adspicere & pervenire posse, quam quemquam alium. Nec vernaculae linguae in hac methodo quicquam metuendum est, cui poliendæ plus temporis relinquo, quam alii, & plus impedimentorum adimo. Quippe interpretationes & versiones ex latina, cum quidem prius incipiuntur, quam utriusque linguae indoles separatim puerο perspecta est, ingens est impedimentum, in vernaculae puritate & elegantia proficiendi. Nec desperet aliquis meam methodum sequens, si puer hoc modo latine loqui incipiens barbarissime & absurdissime loquatur, ira ut pro patrem venire video, dicat, *vidio patrum venare*. Perpendat potius, idem omnibus parvulis in omni lingua vel etiam in vernacula accidere, & temporis progressu ex solo usu linguae ad certum usque perfectionis gradum emendari. Nec metuat quisquam, ne confundantur linguae, popularis, Misnica, Latina, Gallica, si a primis annis omnibus simul usurpandis puer assuecat. Confunduntur sane, fateor. Sed ea confusio cessat in tempore. Exemplo sunt Saxones inferiores, quin illi Galli, qui hic locorum liberos educant, qui cum parentibus gallice, eum familia Holsatice, cum honestioribus familiaribus, Misnice, loquuntur. Quicquid autem residet confusionis, sua cujusque linguae ars critica expellet, sine qua nulla perfectionis spes est, quali quali methodo utaris.

§. 41. Sed quid defensione opus est illi methodo, quæ adversariam audacissime & feliciter impugnare potest? Qui enim pueros, nulla, nisi quæ ex grammatica, vocabulario, phraseologia & scholastica illa auctorum evisceratione oritur, facultate instructos, audit vertentesne dicam an corruptentes, auctorum dicta; qui videt eorum stili exercitia, imitationes, chrias ex vocabulis & phrasibus memoriarum mandatis, ex Lexico secundum regulas Grammatices vix ad verbum intellectas centonum in-


star consutas & consartas: næ ille, nisi occœcatus majorum consuetudine & more sit, quicquid oclament ludi magistri, qui quod sibi commodum & proutum, quam quod discipulis conducibile est, potius tuentur, confiteatur necesse est, nullam fœundiorem barbarismotum & solœcismorum matrem esse, quam eam, quam privatim abrogatam volui, scholasticam methodum. Quare, qui discipulum, quam citissime fieri potest, pure, caste & ornate in utraque scribere docere vult, ceu pestem, si potest, methodum vulgo tritam fugiat.

§. 42. A restitutis literis fuere semper quidam viti, qui eadem, quæ proposui, senserunt, approbarunt & suaserunt. Adeat MORHOFIUM, LOCKIUMque, qui copiose nomina hæc & exempla ab iis præstata intueri vult. Sufficiant mihi 1) ERASMVS in arte notoria: *cum nihil audies, nisi bene latine loquentes, quid obstat, quo minus intra paucos menses edicas latine, cum illiterati pueri Gallicam aut Hispanicam linguam dicant exiguo temporis spatio?* 2) GESNERVS. C. Latinitatis puræ hoc seculo facile optimus defensor, tutor & doctor, cui si vel minima mei instituti pars non displicet, sinistra multorum mortalium judicia æquissimo animo feram, pag. 307. in ed. HEINECII de stilo, ita mentem suam aperit: 1) *Ex usu solo loquendi in nulla lingua disces scribere, accurate scribere.* 2) *Sed ex usu loquendi loqui disces, ut loquuntur ii, a quibus didiceris.* 3) *Qui igitur aliquando volunt loqui latine, iis cum idoneis hominibus loqui prodest.* 4) *Imo etiam ad intelligendum & scribendum tantum confert, quaneum in vigentibus hodie linguis conferre quotidie videmus.* 5) *Sed ad hoc, ut accurate & ornate scribere possimus, insuper opus est (attendas, lector, insuper) lectione & aliis remedii.* 6) *Habitus male loquendi nocet scribere accurate volentibus.* 7) *Cæterum sunt tres gradus simul quidem tractandi, sed ordine, quo eos indicamus, perficiendi in adultis, intelligere, scribere, loqui.* 8) *In infantibus inverti ordo potest, & res modo illonaturali tractari, quo alias linguas discimus.* 9) *Sed illud sum demum fieri, cum idoneis præmiis invitati idonei homines parvorum institutione præficiantur.* Idem in præfat. ad Gram. Cell. Gleichwie die Sprachen eher gewesen, als die Grammatik, also ist gewiß, und unleugbar, daß es hundertmahl leichter, durch den Gebrauch und die Übung ohne Grammatik eine Sprache zu lernen, als ohne Übung und Gebrauch

brauch allein aus der Grammatik. Das erste geschicht täglich von Millionen Menschen in Ansehung der Muttersprache, und von viel hunderten in fremden Sprachen. Das letzte ist schlechterdings unmöglich, und leider tausend Exempel solcher unglückseligen bekannt, welchen die Grammatik, das ist, das unvernünftige auswendig lernen derselben zu weiter nichts gedient, als ihnen einen unauslöschlichen Hass zum Studiren bezubringen, den Kopf zu verwirren, und sie zu andern vernünftigen Berrichtungen desto un tüchtiger zu machen. Es lautet dieses etwas hart, es ist aber eben so wahr, als es betrübt, und von Seiten derer, die es einsehen und andern können, unverantwortlich ist, es ferner so geschehen zu lassen. Sollte und müste eines von beyden veräumet werden; so ist ein Mensch, der ohne Grammatik die Sprache dennoch durch den Gebrauch gelernt, ohne alle Vergleichung besser daran, als einer, der die Grammatik bis auf alle Kleinigkeiten auswendig gelernt, aber dabei aus Mangel der andern Übungen weder etwas in dieser Sprache geschriebenes gründlich versteht, noch selbst sich richtig in derselben ausdrücken kan. - - - Ehe die Kinder noch lesen können, kan man schon anfangen, ihnen allerhand lateinische Wörter und Formeln vorzusagen. Man kan ihnen die biblischen Historien erzählen; man kan ihnen leichte Fabeln vorsagen, und bey dieser Gelegenheit auch die vornehmsten Wörter und Ausprüche lateinisch beybringen. Ein Kind von 4. bis 5. Jahren wird keine Mühe haben vom blosßen Vorsagen zu lernen. Caput mihi dolet, vulneravi digitum, Vulpes abstulit corvo casenum. - - - So fängt man die grammaticalische Erkänntniß damit an, daß man die Kinder belehrt, was die Wörter Singularis, Pluralis, Nominativus &c. zu bedeuten haben. - - - Die Patronen dieses Missbrauchs (von Auswendiglernung der Vokabeln) grossen Theils redliche aber von dieser Sache nicht gnugsam berichtete Männer sprechen: tantum scimus, quantum memoria tenemus. Aber dabei ist gewiß, daß die, so am meisten Wörter auswendig gelernet, wenn sie dieselben auch nicht im Zusammenhange gelernet, von ihrem Wörter-Schaz nicht die mindeste Hülfe zum gründlichen Verstand guter Bücher, nicht das geringste Vermögen, selbst etwas tüchtiges zu schreiben haben. Vide etiam, quæ hic vit immortaliter de literis meritus in præfatione ad Li-

vium de lectione stataria scholastica, deque excepēndis & dictandis phrasibus, de infinita analysi, constructione, imitatione, & Medeꝝ ritu disceprione auctorum sapientissime disputat. Nec non adeas, lector, clarissimum Hamburgensiū fidus, Virum, cujus nunquam sine summa venerarione & incredibili grati animi affectu meminisse possum, doctissimum Reimatum P. P. qui in sodalitatis, quæ Jenæ est, latinæ scriptis, exhibuit methodum discendaꝝ latinæ linguæ, multo longius a vulgari quam a mea distantein, cuius summa in legendi & scribendi usu posita est, quæque vocabularii abusum & præproperum Grammaticæ usum æque ac ego respuit.

§. 43. Ex his sequuntur, 1) vulgaris via ut magistris sit commodior, discipulis perniciosior; 2) ut illi pueri, quibus aut sola bonorum auctorum intelligentia aliquando sufficit, aut qui delicatius & mollius educandi sunt, si ad recte scribendi & loquendi latine facultatem eos pervenire velis, usu ad intelligendi copiam, tñm ad libros intelligendos, tum ad audita & lecta, ex solo usu, pro virili, voce & stilo imitanda, hinc ad Etymologiam, post ad Syntaxin, denique ad artem Criticam sint perducendi; 3) ut fieri non possit, quin ita docti multo majores in omni studiorum genere progressus faciant sine sua molestia, & propositam hanc methodum suo exemplo comprobent; 4) cum de scholis publicis nulla spes sit, fore, ut a tritis ambagibus ad compendiosiorem amœnioremque viam deflectant, ut eo magis doctoris sit privati, libertate sua ad discipulorum suorum commodum frui, & eo docere melius, quo sumtuosior privata, quam publica, puerorum institutio est.



Læs mere om projektet på:

[www.kb.dk/EOD](http://www.kb.dk/EOD)

[www.books2ebooks.eu](http://www.books2ebooks.eu)

## Om EOD-projektet

“eBooks on Demand” (EOD) – på dansk “eBøger on Demand” – er et europæisk samarbejdsprojektet, der blev indledt i 2006. Det omfatter 14 national- og universitetsbiblioteker fra hele Europa og finansieringen sker bl.a. via EU.

Projekt har gjort det muligt for brugere af Det Kongelige Bibliotek at bestille ældre bøger som eBøger på nettet via REX. På længere sigt vil brugere på denne måde få adgang til millioner af bøger på nettet fra europæiske biblioteker leveret i digital form som søgbare PDF-filer -såkaldte eBøger.

eBøger fra dit bibliotek via

**eod** | [eBooks on Demand](http://eBooks.on.Demand)

digitaliseret via

Det Kongelige Bibliotek

